



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

A PUSTIS DE TRINTA ANNOS TORRAT A NÀSCHERE SU CINETEATRO "IL NUOVO": AT A ÈSSERE UN'ISPÀTZIU PRO TOTUS

A pustis de chidas de traballu intensu, oe amus a aprovare su Bilantzu Comunale nostru imbeniente: at a èssere unu documentu sòlidu e cuncretu, atentu a is làcanas de sa situatzione generale chi non cunsentit sbilanciamentos innantis a is intzertesas detadas dae su bantzigamentu de is prètzius, ma chi nointames ponet in seguridade is printzipales garas de apaltu nostras, intre cale unas cantas importantes meda. Tèngio inoghe a tzitare in particolare cudda pro sa ristrutturatzione de su +++Cineteatro IL NUOVO+++, un'òpera chi est in fines movende a pustis de trinta annos de abetada e chi at a torrare in fines a sa tzitade unu de is suos prus importantes ispàtzios culturales, fondamentale pro suportare e promòvere cuddu movimentu de rinàschida chi sin de su printzipiu est istadu una missione de su mandadu nostru.

Eris sero sunt istados imbiados is invitos a is operadores abilitados in sa prataforma regionale pro sa partetzipatzione a sa gara chi at a afidare is traballos de acontzu de s'istruutura, finantziados cun in prus de 2 millones de èuro a traessu de is risursas de su Patu pro s'Isvilupu de sa Tzitade metropolitana. Totu is coladòrgios de verìfica obrigatòria relativos a sa seguridade e a sa gosadura de s'acùstica sunt istados in manera puntuale superados cun sa Cummissione Pùblicu Ispetàculu e cun is Vigiles de su Fogu. Is traballos ant a comintzare intro su 2023.

Ite a cale tèngio in manera piessigna est su fatu chi in su progetu finale s'intreu cumplessu est istadu liberadu dae is barrieras architetonicas, rendendi-ddu atzessibile a is persones in manera diversa àbiles a traessu de ascensores e pranos inclinados a discansu impreàbiles de cale si siat, finas a is bias de fua e a is pigadas esternas de s'edifitziu: sa cultura a Quartu at a èssere a beru pro totus.